



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

12 Vtrum aliquando liceat conferre beneficium indignis.

[urn:nbn:de:hbz:466:1-72459](#)

D V B I T A T I O X I .

Si Episcopus conferat beneficium absenti per litteras aut nuntium, utrum possit reuocare collationem, & alteri conferre antequam iste acceptauerit.

⁵¹
Beneficium
collatum
absenti.

Respondeo, Non posse, vt expresse habetur. *c. Si tibi absenti, de præbendis, in 6. Imo si alteri conferat antequam ille recusauerit acceptare, collatio viribus non subsistet, vt ibidem dicitur, quod idem constitutum est, non quod per talem collationem acquistatum sit dominium ante acceptationem; sed quia non decet Episcopum variare. secus est de donatione rei suæ, quæ non valet ante acceptationem: vnde liberè potest reuocari. imo quamdiu res tradita non est, si alteri donetur aut vendatur, valet secunda dispositio, vt supra cap. 18. dub. 6. & c. 21. dub. 19. dictum est. Potest tamen Episcopus illi præscribere tempus, intra quod teneatur acceptare. quo elapsi, si non acceptavit, poterit alteri conferri si tamen acceptes antequam alteri conferatur, tuum erit beneficium, quamvis terminus iam sit elapsus. patent hæc omnia ex d. cap. Si tibi absenti. 17. de præbendis, in 6. & apud Couarruuiam lib. 3. variar. c. 16. num. 4.*

Sequitur nunc vt dicamus de conditione & qualitate eorum, quibus beneficia conferenda.

D V B I T A T I O X I I .

Vtrum aliquando licet conferre beneficium indignis.

⁵²
Indignus.

Notandum, *Indignum* dici, qui ad officium præstandum est ineptus ratione infamia, præua vita, ignoratio, morbi, vel similiis impedimentis: vel putatur non futurus utilis, nec satisfaturus officio. Potest enim quis censeri indignus vel ratione conditionis præsentis, quæ non tolleret; vel futura. Dignissimus autem censetur, non qui doctissimus est aut sanctissimus; sed qui omnibus consideratis puratus optimè officio satisfaturus, Ecclesiæque futurus utilissimus. His positis

⁵³

*Tria re-
quista ut
quis sit di-
gnus bene-
ficio.*

*Pœnæ in-
eligentes
indignum
ad curam
animarum.*

Respondeo & Dico Primo, Numquam licere beneficium Ecclesiasticum conferre indignis, modo aliqui reperiantur digni, quibus conferri possit. Probatur ex cap. Cum in cunctis. 7. de electio- ne, vbi tria requiruntur ut quis censatur dignus beneficio habente curam animarum, artas conueniens, probitas morum, & scientia debita: & Clerici, qui aliquem contra prædictam formam elegerint, eo ipso priuatim sunt potestate eligendi pro illa vice, & triennio a suis beneficijs suspensi. Episcopus autem si contraria fecerit aut conferenserit fieri, amittit similiter potestatem conferendi. videotamen alias limitationes & explicaciones huius cap. in cap. Si compromissarius. 9. Si vero, de elect. in 6. & cap. Graue nimis, 29. de præbendis, vbi præcipitur ut beneficia non conferantur indignis, qui contra post secundam correctionem fecerit, iubetur suspendi à beneficijs conferendis. ratio est, quia beneficium datar propter officium: ergo

qui ineptus est ad officium præstandum, Iure naturæ est arcendum à beneficio. Confirmatur, quia omnes ferè heretæ & mala Ecclesiæ hinc orta sunt, quod indignis beneficia fuerint collata: dum enim Episcopatus conferuntur hominibus indoctis vel improbis, qui nihil minus quam de munere Episcopali sunt solliciti, necesse est vt etiam Parochi similes instituantur. tales enim Episcopi parum curant quales habeant Parochos. Quod si Parochi indocti, vel etiam improbi sint, necesse est Christianam plebem in fide & moribus non recte instrui: haec autem non recte instructa, & malæ vitæ suorum Superiorum scandalizata, facilis est ad nouos Doctores, reformationem & purum verbum Dei promittentes, excipiendo, maximè cum videat illos eloquentia, doctrina, & externæ vitæ probitate suis Parochis & Episcopis præstantiores. Sanè si nascente heresi Lutheri tales fuissent ubiq. Episcopi & Parochi quales esse debuerint, facile illam in feminine oppresserint. Hoc optimè significatur in parabola Domini Matth. 13. *Dum dormirent homines, venit immensus homo, & superseminauit zizania;* vt explicat D. August. lib. qq. in Matth. cap. 11. & Chrysost. Hom. 47. in Matth. Ex quo patet, quanti momenti sit vt Principes quam maximè idoneos ad Prałaturas promoueant.

Dixi, *Modo aliqui reperiantur digni;* quia si nullus talis inueniatur, vel si inueniatur & non admittatur, (sicut interdum fit in locis Septentrio- naliis) poterit conferri indigno ad maiora mala impedienda; nempe ne deueniant ad hereticos, vel alios magis indignos: hic enim etiæ absolute non sit dignus, tamen respectu aliorum, qui haberi possunt, dignus censetur. Vbi tamen ei beneficium collatum est, tenetur se præstare dignum, & satisfacere officio, tum per te, tum per alios, quantum commode potest: alioquin tenebitur ad fructuum restitutionem. ratio est, quia legi iustitiae obligatur ad præstandum manus sui officij, & consequenter ad se reddendum idoneum officio quantum potest.

Dico Secundo, Ut collator sit securus, non solum requiritur ut nesciat illum, cui confert, else *Debet scire* indignum, sed debet etiam positiū scire esse dignum; vt recte Adrianus in 4. tract. de refut. q. de dispensatione beneficiorum. ratio est, quia ex officio tenetur quantum in se estcurare ut conferantur dignis. ergo debet positiū iudicare esse dignum. quod intellige non de certa scientia, sed de probabili iudicio, quod pro rei magnitudine, magis vel minus certum esse debet. Idem dicendum de patronis qui habentius præsentandi; grauiter enim peccant si aliquem præsentent, de cuius vita, moribus & doctrina non sint fatis informati per viros probos & idoneos, ita ut merito possint confidere esse idoneum; vt colligitur ex cap. Graue nimis, de præbendis. Tales enim patroni sunt causa cur beneficia conferantur indignis, cum maximo Ecclesiæ damno: nam Prelatus Ecclesiasticus, qui instituit, non potest præsentatum repellere, nisi ferè sit eidens esse indignum, cap. 32. Decernimus. 16. q. 7. & alibi. hoc autem ut eidens fiat, valde est difficile. deinde vix audet rem exactius discutere præsertim quando patronus est Princeps secularis.

Dico Tertiò; Et si omnis conditio, que reddit hominem indignum beneficio, sufficiat ad irritandam

tandam collationem vel electionem indigni, non tamen omnis reddit ipso facto collationem irritam, ut infra dicetur. vide Nauar. in cap. Si quan-

do. 5. de rescriptis, exceptione 16. & 17.

D V B I T A T I O X I I I .

Vtrum prætermis s dignioribus, liceat interdum conferre dignis.

Dignior
potest pra-
termitte
quinque
eventus.

Respondeo; Ibi quibusdam eventis licitum es-
se. Primo, si patronus praesenter dignum;
buic enim deber conferri, et si talij magis idonei.
16. q. 7. cap. Monasterium. &c. Decernimus.
quod limita, nisi sit beneficium cum cura animarum:
hoc enim dandum est dignissimum; si patronus
est Ecclesiasticus, ut patet ex Concil. Trident.
sess. 24. c. 18. Si tamen patronus sit laicus, & praesenter
dignum, hic ab Episcopo instituendus est,
alijs omnibus prætermis, ut ex eodem loco Con-
cilio constat. Pari modo, si fundator constitueret,
ut si quis ex sua familia idoneus repertus fuerit, ei
detur; seruandum esset, etiam in cura animarum,
alijs dignioribus præteritis. ut docet Couarr. reg.
Peccatum, p. 2. §. 7.

Secundo. Si beneficium ex sua institutione dan-
dum sit alicui ex certa familia, vel oppido; (ut sunt
ea, quæ dicuntur patrimonialia) vel li decreto Ca-
nonum eligendus sit aliquis ex Clericis eiusdem
Ecclesie; tunc apudissimo inter eos dandum est, non
alijs, et si aptioribus. vide cap. Nullus. 13. & c. 16.
Obitum. d. 61. & cap. 19. Metropolitano. d. 63. ex
quibus constat, olim ministros eligi debuisse ex
Clericis eiusdem Ecclesie, si aliquis erat idoneus.
Simili modo Pontifex eligendus est ex Collegio
Cardinalium; modò aliquis inter eos sit idoneus.
cap. Oportebat. 3. cum sequenti, dist. 79. ex Con-
cilio sub Stephano Papa III.

Tertiò. Si aptiores referuandi sint beneficijs pa-
rochialibus, eo quod pauci bene idonei ibidem
reperiantur; tunc enim illis prætermis beneficia
sine cura, quamvis opima, debent conferri minus
dignis, ut rectè notauit Adrian. suprà. ratio est,
quia in dispensatione beneficiorum magis spe-
ctanda est spiritualis utilitas Ecclesie, quam com-
modum temporale ministri.

60
Si suffra-
gium non
eficit pro-
ficiuntur
digniori.

Quarto, Si plures sint electores, & paucorum
suffragia inclinet in dignissimum; tunc si meum
suffragium nihil esset profuturum dignissimo,
prodebet tamen ad vitandam electionem indigni,
vel minus digni, teneor, omisso dignissimo, confer-
re illud in dignum vel dignissimum. ratio est, quia in
hoc casu si dem suffragium in dignissimum, ipsi
non prodero; & Ecclesia obero: quod Ecclesia in-
commode vitare possum, si fauam digno. Ne-
que hic cum alijs ad opus malum concuro; quia
eligere minus dignum, non est malum, nisi quan-
do ipes est posse obtineri dignorem.

61
Resignans.

Quinto, Si quis resignet beneficium suum in
fauorem alterius, non est necesse ut querat di-
gnissimum. Ita Caeteranus v. Beneficium, & alij:
sic enim recepta consuetudo haber. ratio est, quia
non incumbit illi ex officio preferere Ecclesia mi-
nistrum; & alias confert id quod suum est, & pro-
pter quod, cum possideret, non tenebatur plus fa-
cere, quam mediocriter idoneus faceret: unde non
facit iniuriam Ecclesie, talem sibi substituendo.

quamvis si multò dignior se offerat vel in prom-
ptu sit, & charitas boni communis obliget ut hic
preferatur.

D V B I T A T I O X I V .

*Vtrum extra hos casus beneficia semper
sint conferenda dignissimis.*

Respondeo & Dico Primo, Electores, Prä-
sentatores, & Collatores semper tenentur, Dignissimi
quantum in ipsis est, curare ut dignissimis benefi-
cia conferantur. Est communis sententia DD.
D. Thom. q. 63. art. 2. ad 3: *Vt electio non possit im-
pugnari in foro iudicali, sufficit eligere bonum, nec
oparet eligere meliorem; quia sic omnis electio posset
habere calumniam. Sed ad conscientiam eligentis ne-
cessa est eligere meliorem, vel simpliciter, vel in com-
paratione ad bonum commune.* Ibidem ad 1. docet,
*Pralatum posse eligere consanguineos suos, si aquæ
digni sint; non autem si alijs sint digniores.* Idem docet
infra quæst. 185. art. 3. Ioannes Maior in 4. d. 24. q.
3. Nicolaus Lyranus in illud. Ioannis 21. Simon
Ioannis diligis me plus his? D. Anton. 2. p. tit. 1. cap.
20. §. 1. Angelus v. Elecțio, n. 20. & 21. Caiet. v.
Acceptio personarum, & in locum D. Thomæ ci-
tatum. Adrian. in 4. qu. citata, Silvester v. Elecțio,
& v. Acceptio personarum; Nauarr. in cap. Si
quando. 5. de rescriptis, except. 16. num. 10. Sotus
1. 3. de Iustit. q. 6. art. 2. & alij Theologi passim. Et Alex. Ha-
quamvis Alexan. Halensis p. 2. q. 16. §. 2. putet so-
lennis opinio
lum in Episcopatus esse peccatum, prætermit-
tere digniorem, non autem in minoribus benefi-
cijs: alij tamen Theologi id generatim de omnibus
habentibus curam animarum docent. Accedunt
multi Iurisperiti, quos refert & sequitur Couarru-
rias ad regul. Peccatum, p. 2. §. 7. num. 4. ut Pa-
norm. Rochus, Ludovicus Gomezius, Cesar Lam-
bertinus, & alij, & addit Couarruias, eam esse 1. Exemplis
communem. Probatur Primo Exemplis sacrae Scripturae
Scriptura, ut electione Aaronis Leuit. 8. vbi Do-
probatur.
minus indicavit se velle præstantissimum eligi,
dum omnibus Principibus ad officium tabernaculi
adductis, eius solius virgam florere fecit. in quem
locum Origenes Hom. 6. (habetur Can. Licet. 8.
quæst. 1.) licet: *Requiritur ergo in ordinando Sa-
cerdote etiam populi præsentia, ut sciant omnes, quod
qui præstantior est ex omni populo, qui doctior, qui
sanctor, qui in omni virtute eminentior, ille eligitur
ad sacerdotium.* Item electione Sæillis 1. Regu 10.
vbi eligitur qui ceteris eminebat, & quod non erat me-
lior in Israël. quod explicans Gregorius lib. 4. c. 4.
in lib. 1. Regum, fuisse docet, *dignissimum eligen-
dum.* Idem docet cap. 5. vbi multa pulchritudo in hanc
sententiam. Idem cernitur in electione Davidis, &
in electione Petri: cum enim Dominus Ioan. 21.
Petrum Ecclesia veller præficere, non solum ro-
gat an ipsum diligenter, sed an plus ceteris dilige-
ret, & ter rogat. Apostoli etiam Actor. 1. conati
sunt optimum eligere.

Probatur Secundò Ex Iure Canonico; nam 63
cap. vnicō, tit. VI Ecclesiastica beneficia sine dimi-
nutione conferantur, Innocentius III. inter cetera Canonice.
sic ait: *Non ex affectu carnali, sed discreti iudicio
debusti Ecclesiasticum officium in personam magis
idoneam dispensare.*

Tertiò Probatur ex Patribus; vide Origenem 3. Ex Pa-
tribus.
N n. 4 supra.